

Ե Ր Ա Ջ

ԼՆՌԵՆՑԻ

Լքուին զիշերով անեղբր դաշտում
Ես ընկած էի վիրաւոր կրծքով.
Մահու պաղութիւնն մարմնիս էր տիրում,
Ճակատս ոռոգւած երկնային ցօղով:

Ես ընկած էի՝ միակ շնչաւոր
Քիւրաւոր մարդկանց դիերի շարքում...
Վրճիտ էր երկինքն աստղազարդ, անդորր,
Դիւթական դէմքով լուսինն էր փայլում:

Եւ յիշում էի այն ահեղ մարտը,
Երբ փողի ձայնից մարդկան փրկութեան
Ժողովուրդների լէզէօնները
Ապստամբել էին ընդդէմ չարութեան:

Անարդար կեանքի հնացած ապարան
Խիստ դղրդիւնով քանդւում էր, զլորւում,
Մինչ տանջւած սորկի ձայնը չաղթական
Մարդկութեանն մի նոր կեանք էր աւետում:

Ո՛ւր էք, ընկերներ... հրաժեշտ ձեզ վերջին...
Մնացած ոյժերըս իմ ժողովելով,
Ես ինքըս ըստե՛ր՝ դիերի միջին
Ակսեցի թափառել գաղտնի սառսուռով:

Փայլում էր լուսինն և լուսաւորում
Բիւր ընկածների պաղած դիակներ...
Ահա եղբայրըս, ընկերս եմ տեսնում...
Բոլորն են եղբայր, բոլորն են ընկեր...

Դողաց մարմինըս, ես ընկալ կրկին...
Յանկարծ հեռից իմ հասան ականջին
Թմբկի ու փողի յաղթական ձայներ,
Ոգեշունչ երգեր, ուրախ զոհիւններ:

Դա՛ մի թափոր էր—տօնը յաղթութեան
Արիւնով փրկւած մարդկութեան,
Մեծ տօնը կեանքի մի նոր ու արդար—
Ամենքը՝ ընկեր, ամենքը՝ եղբայր:

Եւ ահա կարծես իջան երկնքից
Տաւիղի ձայներ հնչիւն հոսանքով,
Նոյնպէս ներդաշնակ, նոյնպէս սիրալից,
Ինչպէս և նոր կեանքն իրա բերկրանքով:

Ներդաշնակ ձայներն օդն էին լցնում,
Ժպտում ասողերը, լուսինն էր փայլում,
Իսկ՝ ես դիերի մէջ, դաշտում սգաւոր
Դեռ ընկած էի կրծքով վիրաւոր...

14 դեկտեմբերի, 1891 թ.: